

Na osnovu člana 19. stav (6) i člana 141. stav (7) tačka a) Zakona o strancima ("Službeni glasnik BiH", broj 88/15) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 16. sjednici, održanoj 10. septembra 2020. godine i 28. vanrednoj sjednici održanoj 16. septembra 2020. godine, donijelo je

ODLUKA O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU

Član 1

(Predmet Odluke)

Ovom odlukom propisuju se dodatni uslovi za ulazak stranaca u Bosnu i Hercegovinu zbog sprečavanja i suzbijanja širenja virusa SARS-COV-2.

Član 2

(Uslovi za ulazak)

Stranci koji ispunjavaju uslove za ulazak u Bosnu i Hercegovinu propisane Zakonom o strancima, mogu ući u Bosnu i Hercegovinu uz predocjenje negativnog nalaza PCR testa na virus SARS-COV-2 koji nije stariji od 48 sati do dolaska na granični prelaz Bosne i Hercegovine.

Član 3

(Ulazak u Bosnu i Hercegovinu bez predocjenja negativnog testa na virus SARS-COV-2)

(1) Bez predocjenja negativnog testa na virus SARS-COV-2 u Bosnu i Hercegovinu mogu ući:

- a) državljani Crne Gore, Republike Hrvatske i Republike Srbije, kada u Bosnu i Hercegovinu ulaze direktno iz države čiji su državljani, kao i njihova maloljetna djeca i supružnici koji su državljani drugih zemalja,
- b) posada i kabinsko osoblje aviona čije je krajnje odredište Bosna i Hercegovina,
- c) vozači i suvozači teretnih vozila prilikom obavljanja međunarodnog transporta robe u drumskom saobraćaju uz uslov da njihov boravak u Bosni i Hercegovini ne traje duže od 12 sati,
- d) posada teretnih vozova i brodova u međunarodnom saobraćaju,
- e) diplomatsko-konzularno osoblje i osoblje međunarodnih organizacija pri vršenju njihovih službenih dužnosti, a koje prilikom ulaska u Bosnu i Hercegovinu mora posjedovati i predociti odgovarajući važeći pasoš,
- f) službe i tipovi civilne zaštite kada je njihov ulazak u Bosnu i Hercegovinu hitan i neodložan,
- g) pripadnici vojnih snaga država članica Sjevernoatlantskog ugovora i ostalih država koje učestvuju u Partnerstvu za mir i pripadnici Štaba NATO-a i EUFOR-a u Bosni i Hercegovini,
- h) čelnici država i vlada i članovi njihovih delegacija čiji je dolazak i odlazak iz Bosne i Hercegovine najavljen Graničnoj policiji Bosne i Hercegovine diplomatskim putem ili putem protokola nadležnog organa Bosne i Hercegovine,
- i) stranci koji tranzitiraju preko teritorije Bosne i Hercegovine radi povratka u zemlju uobičajenog boravka, bez zadržavanja na teritoriji Bosne i Hercegovine,
- j) maloljetni stranac čiji je roditelj državljanin Bosne i Hercegovine, kao i stranac koji je supružnik državljanina Bosne i Hercegovine.

Član 4

(Obaveza poštivanja uputstava i naredbi)

Stranci iz čl. 2. i 3. ove odluke obavezni su da se pridržavaju i da poštuju sva uputstva i naredbe nadležnih organa Bosne i Hercegovine, epidemioloških i zdravstvenih službi.

Član 5

(Prestanak važenja ranije odluke)

Stupanjem na snagu ove odluke prestaje da važi Odluka o propisivanju dodatnih uslova za ulazak stranaca u Bosnu i Hercegovinu ("Službeni glasnik BiH", br. 18/20, 20/20, 27/20, 29/20, 32/20, 34/20 i 44/20).

Član 6

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH", a primjenjivaće se od 12.09.2020. godine u 06,00 sati.

***Samostalni član Odluke o izmjeni i dopuni
Odluke o propisivanju dodatnih uslova za ulazak stranaca u Bosnu i Hercegovinu
("Sl. glasnik BiH", br. 58/2020)***

Član 2

Ova odluka stupa na snagu danom donošenja i objavljuje se u "Službenom glasniku BiH".

VM broj 165/20
10. septembra 2020. godine
Sarajevo

VM broj 180/20
16. septembra 2020. godine
Sarajevo

Predsjedavajući
Vijeća ministara BiH
Dr. **Zoran Tegeltija**, s. r.